

445

C


155







Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
445 C 155



Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
445 C 155



Early European Books. Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
445 C 155









DISPUTATIO JURIDICA  
INAUGURALIS  
DE  
BENEFICIO COMPE-  
TENTIÆ.

Q V A M,

PRÆSIDE DEO TER. OPT. MAX.

*Ex Auctoritate Magnifici Rectoris,*

D. WOLFERDI SENGUERDII, L. A. M.

Phil. & J. U. Doct. illiusque in Illustri Academiâ

Lugd.-Bat. Profess. ordinarii, celeberrimi, &c,

NEC NON

*Amplissimi Senatus Academici Consensu, & Nobilissima  
Facultatis JURIDICÆ Decreto,*



PRO GRADU DOCTORATUS,

Summisque in Jure utroque Honoribus & Privi-  
legiis ritè ac legitimè consequendis,

*Publico examini subijcit*

JOHANNES van OVERMEER, LUGD.-BAT.

*Ad diem 6 Decemb. horâ locoque solitis.*



LUGDUNI BATAVORUM,  
Apud ABRAHAMUM ELZEVIER,  
Academiæ Typograph. MDC LXXXV.

DEO  
TER. OPT. MAX.  
PATRI  
AMICIS ET PRÆCEP-  
TORIBUS  
SACRUM FACIT.

AUCTOR.





# DISPUTATIO JURIDICA

INAUGURALIS,

DE

## BENEFICIO COMPE- TENTIÆ.

### CAPUT I.



Nullus momenti essent omnia judicia, si ad debitorum obæeratorum executionem nos non perducerent, permitterentque nobis omnia ab ipsis exigere, donec satisfactum fuerit: ita quidem ut ne denarium ipsis relinquere teneamur, teste *Gomes. lib. 2. variar. res. 11. n. 51.* Verum hæc rigida exactio in quibusdam personis est mitigata, tam legibus, constitutionibus, quam edicto prætoris, quibus beneficium competentiae est introductum, de quo non nulla disputare

A 2

tare

tare institui, explicaturus, quale sit hoc beneficium, quibus detur, quo effectu, & denique quibus casibus cesset.

Beneficium itaque competentiae est, quo quis munitus condemnari nequit ultra vires patrimonii, sed tantum in id quod facere potest, ita ut retineat aliquid ne egeat.

Dico in id quod facere potest. Intellige non quatenus naturaliter potest praestare: sed quatenus civiliter potest facere, absque extremo videlicet incommodo, fac. l. 125. d. verb. signif. facere autem ut aliquis possit, non requiritur praecise, ut sufficientem habeat quantitatem pecuniae numeratae: sufficit eum habere, quod satis est in actionibus & nominibus l. 49. §. 1. d. verb. fig.

Ita ut retineat aliquid ne egeat, retinendum itaque est, quantum ad victum & alimenta est necessarium, quod quantum sit leges cum ipsae id determinare nequeant ob circumstantiarum varietatem, arbitrio iudicis relinquunt. Videndum enim cujus quis sit conditionis, aetatis, dignitatis; v. c. vilis & abjecta persona sit debitoris, vel etiam quae manibus victum queat lucrari, an splendida: juvenis; an senex *Duar. ad l. 12. ff. sol. matr.* Ratio enim personarum habenda est, ne pro personae suae qualitate egeant l. 19. in fine ff. d. re jud. l. 30. eodem l. 5. §. 7. ff. d. agnosc. & alend. liberis l. 173. d. reg. jur. lautioribus enim cibis nobilem, quam rusticum vesci oportet, & alius illi, quam huic cultus corporis convenit, de quo vid. *Adamant. Dionys. de divis. act. q. 4. Tiraquell. de Nobil. cap. 20. n. 143. & seq.*

## C A P U T II.

**T**ribuitur hoc beneficium parentibus l. 16. d. re jud. gratitudo enim, quam liberi parentibus debent, non patitur, liberos parentibus, quos egentes ipsi alere coguntur, extorquere id, quod ipsis ad alimenta est necessarium.

*Liberis l. 30. ff. d. re jud. l. 18. ff. sol. matr.* Necessitas enim

na-



naturalis postulat, ut quod quisque procreavit, quantum in ipso est tueatur *Cic. lib. 1. d. offic. cap. 4.*; ab his itaque rigida extorsio plane est aliena.

Tribuitur & *fratribus*, quod clare liquet ex *arg. l. 63. ff. pro socio*. Nam si socio ob imaginem fraternitatis hoc jus tribuatur, an non veris fratribus idem erit concedendum? Nec ego tam ineptos audeo fingere juris conditores, ut ejusmodi rationes adducerent, in quibus non idem, quod probare volunt obtinere censerent, vidend. *Duar. in prælect. 23. ad tit. ff. d. re jud.*

Tribuitur etiam *Marito* convento ad restitutionem dotis à muliere. Ei enim quoque reverentiam debet Uxor, cui non convenit adeo ab ea arctari, ut ne debitum quidem vitæ habeat subsidium *l. 1. §. 7. C. d. rei uxor. act. l. 17. ff. d. re jud. §. 37. Inst. d. act.* Quid si Uxor alio ex contractu agat? Videndum est an contractus constante matrimonio sit initus, an vero divortio facto: nam si matrimonio adhuc constante sit initus, gaudebit hoc beneficio *l. 20. ff. d. re jud. add. Duar. ad. l. 12. ff. sol. matr.* Secus divortio facto per *l. 35. ff. d. neg. gest.* ubi actio negotiorum gestorum in solidum datur contra quondam maritum, ex negotiis post divortium gestis; ratio quia vinculum matrimonii est causa hujus beneficii, quod non potest operari cum extinctum est. Sic & in *l. 3. ff. rer. amot.* maritus earum rerum nomine, quas constante matrimonio amovit actione rerum amotarum tenetur: divortio facto, furti. Gaudebit amplius hoc beneficio maritus, si divortio facto veterem contractum confirmaverit, ut si constituat id, quod ante contraxerat per *l. 3. ff. d. const. pec.* ratio autem hæc reddi potest, quod uniuscujusque negotii initium est spectandum *l. 8. ff. Mandati.* Id autem cum accidit, maritus hoc beneficio gaudebat, & quod in simili casu dicit Jurisconsultus *l. 33. d. donation. causam & originem constituta pecunia non judicii potestatem pravalere placuit.*

*Marito putativo* hoc jus non tribui, communis DD. est sententia vid. *Fach. lib. 10. cont. cap. 30.*

Quæ de marito dicta sunt in *Uxore* æqua lance sunt observanda *l. 17. §. 1. ff. solut. matr. l. 20. in fine ff. d. re judicata.*

Sicut autem marito, ita & *socero* hoc jus tribuitur *l. 21. ff. d. re jud.*

*re jud.* Socer enim parentis locum obtinet, adeoque idem ei honos habendus *l. 16. ff. solut. matr.* nec distinguitur sit ne socer Uxoris, an mariti, cur enim utriusque soceri impar jus esset, si par sit viri & Uxoris? Quid si pater mulieris promissit dotem genero pro filia, & pactum de ea lucranda fecit, si sc. filia decedat in matrimonio, numquid hoc in casu socero competat hoc beneficium? Distinguimus, aut gener agit ad hanc dotem matrimonio adhuc constante; aut eo soluto: si matrimonio adhuc constante agat, utique socero erit succurrendum *l. 84. ff. d. jure dot.* Si vero agat soluto matrimonio, videndum est an socer decepit generum sciens se non esse solvendo, an vero bona fide egerit, posteriori casu socero erit succurrendum, priori non item *d. l. 84. de jure dot. Duar. ad l. 17. ff. solut. matr.*

Competit & *sociis*, quoniam inter hos consistit quoddam fraternitatis jus, quod non fert rigidam & incivilem alterius ~~ab altero~~ ab altero exactionem *l. 63. ff. pro socio l. 16. d. re jud.* eleganter Marquard. Freher. 1. parerg. 5. ideo esse speciem fraternitatis, quia quod fratribus dat successio paterna, & bonorum collatio, id sociis voluntas & contractus, dum sponte sua communicantes, se sibi invicem in fratrum loco adsciscunt: notandum autem est, quod socius omnium bonorum indistincte, & in omnibus casibus hoc jure fruatur *d. l. 16. d. re jud.* Particulares vero socii, quoties ex causa societatis agatur *l. 63. pro soc.*, & hac ratione si *d. l. 16.* capiamus de iis sociis, qui semper gaudent hoc privilegio, & quod hoc respectu recte id negatur de socio particulari, quia ille non semper hoc habet, opus non erit, ut vel *d. l. 16.* corrigamus, vel *avlyvovlat* inter illam & *d. l. 63.* statuamus, quorum posterius vix credibile, cum utraque lex sit ejusdem auctoris sc. Ulpiani.

Conceditur & *patrono, patronae, eorumque liberis, & parentibus* *l. 17. ff. d. re jud.* Reverentia enim, ob inestimabile illud libertatis beneficium, his personis debita, non fert incivilem excusationem: esset enim indecens, ut quos reverentia prosequi tenemur, eos egere sinamus, & victu necessario spoliemus: quod tantum abest, ut permittatur, ut contra libertus egentem patronum cogatur alere *l. 5. d. agnos. & alend. lib.* Multo ergo minus



nas auferre ei debet, quæ adhuc possidet. Quid si patronus amiserit jus patronatus? videndum est quomodo illud amiserit, nam si sponte illud remiserit, reverentia nihilominus ei debetur *l. 3. C. d. bon. lib.* Quare beneficium, quod ei competit ob reverentiam, non videtur ei acinendum esse; si vero ob maleficiū vel culpam suam privatus sit jure patronatus, cessabit beneficium *d. l. 3. inf.*

Item Ei qui ex donatione se obligavit ex rescripto Divi Pii tribuitur hoc beneficium *l. 12. ff. d. donat. l. 19. §. 1. ff. d. re jud.* Invicile enim esset illeberaliter & avare cum eo agi, qui vere liberalis fuit. Utitur autem suo beneficio solummodo contra donatarium non contra alios, licet nunc donatarii, id promiserit, v. c. donare volebas Sempronio centum, qui tantundem Titio debebat, à quo cum liberari cupiebat Sempronius, petiit, ut patereris te delegari Titio creditori, hoc in casu in solidum venit condemnandus donator per *l. 41. d. re jud. l. pen. ff. d. novat.* Quid si quis donaturus mulieri, marito ejus dotem promisit, & sic donator marito sit delegatus? hanc in solidum à donatore exigere poterit maritus, tanquam creditor negotium suum gerens, nam cum dos diserte contemplatione mulieris fuerit promissa marito, & ad sustinenda onera matrimonii, atque ita ex causa onerosa jus ipsi sit acquisitum *l. 19. d. oblig. & act.* Non potest maritus hic considerari tanquam donatarius: non est ergo mirum ut is à quo illa exigitur, non utatur hoc beneficio quod donatori est concessum *l. 84. de jure dot.* hæc ita si certa summa promissa sit, nam si ita spondeo, me tibi daturum quod illi ex causa donationis debeo, aliter sese res haberet, nam effectu inspecto tunc non plus debet, quam facere potest *l. 32. ff. solut. matr. Duar. ad l. 41. ff. d. re jud.*

Milites etiam armata militia hoc privilegium habent *l. 6. ff. d. re judic. l. 18. eodem.* quod Covarr. lib. 2. var. res. Cap. 1. & alii, ad advocatos, doctores, & nobiles extendere volunt, quod sine lege non ausim: nam cum non lege agimus erubescimus n. 18. cap. 5. dictæ enim legis verba qui sub armata militia hos excludunt. Ratio & causa etiam planè diversa, etsi enim & advocati similesque alii militent *l. 14. C. d. advoc. divers. jud.* longe tamen alia est togata hæc, quam armata militia: armati enim

mi-



milites vitam & sanguinem pro reip. salute profundentes plus in illam conferunt, & preterea armis occupati rei familiaris curam abjiciant necesse est. Advocati contra rem suam bene gerere edocti, quod si non bene gerant auxilio indigni sunt. Denique etsi par utrorumque esset ratio, jus singulare non est protrahendum *l. 18. ff. d. re jud. l. 1. ff. d. offic. ejus cui mand. l. 6. §. 1. d. interd. & releg. l. 14. ff. de legib.*

Competit & hoc beneficium *Ei qui bonis cessit §. ult. Inst. d. act.* si postea rursus conveniatur; quod fieri potest, cessio enim à carcere debitorem liberat, obligationem vero minime tollit; & proin, si postea aliquid acquisierit quod idoneum emolumentum habeat, ex integro creditores experiuntur *d. l. ult.* at tantum in id quod facere potest; *inhumanum enim erat spoliatum fortune suae in solidum damnari d. §. ult.* Non vero datur hoc jus ei, qui cedit, nam dum cedit bonis nihil ipsi relinquitur, sed ut loquuntur cessio fit usque ad peram & sacculum, nec quicquam ei relinquitur præter vestem pannicularem, qua corpus tegat, vid. *Coler. d. process. execut. cap. 6. n. 111. Gomef. 2. var. ref. 11. n. 51.*

Gaudet & hoc beneficio *Emancipatus, & exheredatus, quive paterna hereditate abstinuit, aut in molica parte est institutus, vel si coactus immisuerit se, ut hereditatem restitueret, cum convenitur de negotio dum in potestate esset inito l. 2. & 4. ff. quod cum eo qui l. 5. §. 2. inf. eodem ratio hæc reddi potest, ne nimis gravetur ex eo contractu unde nullum vel minimum emolumentum percepit.* Non gaudet autem hoc beneficio contra eos, quibuscum jam sui juris factus contractum iniverat, licet ea tantum possideat, quæ vi hujus beneficii servavit, quia hic ratio beneficii cessat.

Cavere autem debent personæ prædictæ nuda promissione auctoribus de integra solutione facienda ubi ad meliorem fortunam pervenerint *l. unic. §. 7. C. de rei uxor. act. l. 63. §. 4. ff. pro socio.* Sciendum autem est hæredibus harum personarum illud beneficium non competere *l. 25. ff. d. re jud. l. 12. ff. solut. matr.* Est enim personale, & cum persona extinguitur: regula enim quod heredes representant defunctum, & cum eo pro una eademque persona habeantur, huc non pertinet, quippe quæ  
pro

procedit in iuribus, actionibus, aliisque quæ jure communi, non vero speciali privilegio conceduntur. Possit videri exceptio esse in filiis ex eodem matrimonio procreatis, qui patri heredes extiterunt, in casu quo dos ab ipsis repetitur: verum his non qua heredibus, sed qua filiis hoc beneficium competit *l. 18 ff. solut. marr.* Illud quidem verum est, quod filiis non possit hoc beneficium competere nisi heredes sint, aliter enim de dote conveniri nequeunt: sed tamen inde non sequitur hoc privilegium dari iis, ut heredibus; verum iis ut filiis hoc deberi, satis superque modo posita dicantur fundamenta *add. l. 12. ff. sol. marr.* Quod cum diserte expressum sit, mirandum est, non nullos adhuc dubitare, an id quoque de alterius matrimonii filiis accipiendum sit; lex enim tantum loquitur *de filiis ex eodem matrimonio procreatis*: & privilegiorum interpretatio semper stricta esse debet, nec facile produci ultra personas in lege nominatas. *fac. l. 16. ff. d. test. tut. l. 8. ff. d. excus. tut. §. ult. Inst. qui test. tut. dari pos.*

Ex antedictis colligi potest ne fidejussoribus quidem personarum prædictarum hoc beneficium competere ob rationem modo allatam, quod personale sit hoc beneficium & ad alios non extendatur *l. 7. ff. de except. l. 24. ff. d. re jud.* Fidejussor enim suo nomine ex obligatione, quam ipse contraxit, convenitur, ac solidum solvere promissit, & idcirco solidum ab eo exigitur: Male autem *Bart. & DD.* vulgo volunt hanc exceptionem personalem ita prodesse fidejussori, si desideret reum principalem judicium subire per *l. 10. §. Pen. ff. Mand.* Nam *d. §.* loquitur de exceptione causæ cohærente qua & fidejussor uti potest: personali vero ut hæc est, uti nequit *l. 7. de Except.* Alia autem causa est defensoris, defensore enim se dominum defensorum promittens, eadem actione, qua dominus, convenitur; ac proinde quasi ejus loco surrogatus eodem venit modo condemnandus, *l. 51. §. 1. ff. d. procurat. l. 14. ff. sol. marr.* Hæc ita si vivo domino condemnatio fiat; nam si eo mortuo, in solidum est damnandus *l. 23. ff. d. re jud. Duaren. ad l. 23. d. re jud.*

B

C A-



## C A P U T III.

**D**iximus ante, his personis licere deducere tantum ne egeant, hinc dubitari posset, ex quibus rebus hæc deductio fieri debeat? Respondemus ex ipsius debitoris, non ex alienis, quod de donatore expresse cautum in *l. 41. §. 1. ff. d. re jud.* ubi actione reali conventus non juvatur hoc beneficio cum actione reali actor petit quod suum est, non quod sibi est debitum *l. 23. ff. d. rei vind.* habet & hoc locum in omnibus personis privilegiatis, cum nulli suum adiuvni, ut alteri tribuatur, conveniat *l. 2. ff. d. his qui sui vel alieni jur.* Habet autem hæc rei vindicatio locum si res soluta à persona privilegiata, ad eandem reversa fuerit, quod casu restitutio rei in solidum est facienda. In fructibus autem distinguimus utrum bona an mala fide res ad illas reversa sit, priori casu super restitutione rei in solidum quidem condemnandæ sunt una cum fructibus extantibus; de consumptis autem non tenentur *l. 41. ff. d. re judic. l. 22. C. d. rei vind.* posteriori vero casu in solidum condemnandæ sunt super restitutione rei cum omnibus fructibus perceptis, consumptis, vel extantibus *l. 22. C. d. rei vind.* Si autem dolo possidere desierint contra eos in litem iuratur *d. l. 41. §. 1. add. l. 68. ff. d. rei vindicat.* alios casus, quibus rei vindicatio hæc datur, vid. in *l. 28. C. d. donat. l. 18. p. ff. de acq. vel amitt. possess.* Quid si uxor soluto matrimonio actione reali petat rem in dotem datam? videndum est an maritus rem dotalem solverit uxori, eaque postea ad eum pervenit, an vero nondum tradiderit: priori casu in solidum venit condemnandus, ut quivis possessor, posteriori vero tantum in id quod facere potest, cum jam etsi possessor sit, tamen non conveniatur, ut possessor, sed ut maritus, ita *Bart. & DD.* vulgo distinguunt.

## C A P U T IV.

**V**idendum etiam est, an qui hoc jure fruuntur æs alienum deducere possint? ita dicendum videbatur, quoniam imperator Justinianus in *§. 37. Inst. d. act.* sic interpretatur quate-

mus

us facultates patiuntur, facultates enim bona designant l. 16. pr. ff. ad Senat. Treb., bona autem intelliguntur, quæ deducto ære alieno supersunt l. 39. §. 1. ff. d. verb. signif. Sed contrarium in l. 16. l. 19. §. 1. d. rejud. & in l. 49. eodem l. 54. ff. solut. matr. decisum est. Excipiendus est donator l. 19. §. 1. ff. d. rejud. cui permissum est ea deducere, quæ aliis creditoribus debet l. 12. ff. de donat. l. 54. solut. matr. pinguius enim donatori succurrendum est l. 49. ff. d. rejud. Ea vero, de quibus ex eadem causa, donationis videlicet, aliis obstrictus est, non debet deducere: sed donatarii occupantis melior erit conditio d. l. 12. ff. d. donat. Male autem quidam volunt nec hæc deducenda, quæ reus ex aliquo contractu debet iis, contra quos se exceptione hac tueri potest, v. c. si donaverim tibi ingentem summam, debeam vero ex alia causa pecuniam liberis & uxori, jam volunt quod si tu me convenias non possim deducere, quæ liberis, uxori ve debeo, quia me hac exceptione contra illos tueri possim: sed ita non nisi absurdissime poterimus explicare verba l. 12. ff. d. donat. & l. 19. ff. d. rejud. Ubi dicitur *quæ ex eadem, vel simili causa debentur non esse deducenda*, quæ verba non alium patiuntur sensum, quam non deduci ea, quæ aliis pariter ex causa donationis debentur: non vero hunc quem illi volunt, sc. id non deduci posse quod debetur personis aliis, quibus pariter hujus beneficii exceptio possit opponi: hoc enim si voluissent *Juri*, non dixissent: *quæ ex eadem, vel simili causa debentur*; sed, quibus eodem modo donator tenetur, videlicet non in solidum: vel alio simili loquendi modo, non vero hoc quo usi fuerunt, id expressissent. Ad quorum confirmationem possit addi, quod nominatim docet *Jurisconsultus* in d. l. 12., detrahenda ea quæ creditoribus debentur, illis videlicet, qui de damno rei amittendæ agunt, quales & liberos esse certissimum est: licet solidum non exigant. Is vero, cui liberalis promissio facta est, non ita verus creditor est l. 49. in fin. ff. d. rejud. quam ob rem donatarius nihil consecuturus erit, nisi & hi creditores dimissi sint vid. *Ravard.* ad l. 28. d. reg. jur. Iniquum enim esset causam lucrativam potiore esse onerosa, & sola præventionem donatarii captiosa excludi eos, qui de damno sunt solliciti. Accedit quod in præjudicium credito-



ris liberalitas debitoris vergere non debet, sed de suo quem  
que largiri oportet.

## CAPUT V.

**R**ei autem judicatæ tempore iudex æstimabit, utrum reus  
solidum solvere possit, an vero secus: non autem litis  
contestata, quoniam ad agendum, actionemve instituendam,  
nihil interest, utrum reus facere possit, an vero non, sed ad  
minuendam exactionem, sententiæque executionem moderan-  
dam *l. 15. ff. sol. matr. l. 63. §. 6. ff. pro soc.* Proinde si rei judi-  
cata tempore solidum solvere possit, in solidum erit con-  
demnandus, licet litis contestata, non potuerit: contra  
vero si tempore litis contestata facere potuerit, & antesen-  
tiam desierit posse facere, non condemnabitur ultra quam facere  
potest *l. 41. §. ult. ff. d. re judic.* Si autem post sententiam fa-  
cultates ejus auctæ sint, ita ut solidum solvere queat, cum  
judicati agitur, solidum actione iudicati exigi nequit, sed no-  
vo opus est iudicio *l. unic. §. 7. C. d. rei uxor. act. l. 8. C. solut.  
matr.* Si è diverso post sententiam facultates sint diminutæ, sic ut e-  
xecutionis tempore solidum solvere nequeat poterit nihilominus  
& tum hanc exceptionem opponere *l. 41. §. ult. ff. d. re jud. l. 33.  
d. donat.* vid. Jasonem ad *§. sed & si quis Inst. d. act.* qui notat om-  
nem exceptionem, quæ non impugnat sententiam, posse op-  
poni etiam post sententiam, quæ transivit in rem judicatam. add.  
*Zanger. tract. d. except. cap. 26. part. 3. n. 96. & l. 1. C. d. juris  
& fact. ignor. l. 41. §. 1. ff. d. fidejuss.*

## CAPUT VI.

**A**ccidit non raro, ut hoc privilegium non detur iis, quos  
modo enumeravimus, nam qui ex maleficio dolo ve con-  
veniuntur, frustra id prætendent *l. 22. §. ult. d. re jud.* Item si  
dolo

fecerint quo minus facere possint *l. 51. & 52. ff. d. rejud. l. 18. §. 1. ff. solut. matr.* Dolo autem etiam videtur facere, qui subornat aliquos, qui mentiantur sibi deberi, & patitur se ab iis vinci *d. l. 51. l. 63. §. 7. ff. pro soc. l. unic. C. d. rei ux. act.* Excipiendi videntur parentes, patroni, eorumque liberi, ac parentes *tot. tit. ff. d. obseq. par. & patr. praestand.* Cessat etiam hoc beneficium, si actores sint inopes, ut, si reis hoc beneficio confuleretur, ipsi fame perirent, quoniam tunc in pari causa potior esset actor, quem durum foret fame necari, aliosque ali de ipsius bonis *arg. l. 2. C. d. alend. lib. l. 5. §. pen. ff. de agnos. lib. l. 6. C. de servit. l. 12. C. qui pot. in pignor. add. Duar. ad l. 12. ff. solut. matr.* Cessat etiam si debitores sciant sufficiens aliquod artificium, vel enutrire commodum se possint negotiatione aliqua, nam inde percipere possunt unde vivant *arg. l. 5. §. 7. d. agnos. & alend. lib. vid. Zas. ad l. 12. n. 17. solut. matr.* Quibus tamen in rebus multum arbitrio iudicis tribuendum erit *l. 22. §. 1. ff. d. rejud.* Cessat etiam si solidum debitores solverint, nam ex privilegio superfluum repetere non possunt *l. 8. & 9. de cond. indeb.* Excogitari forte possent & alii casus, quibus privilegium hoc cessat, qui tamen ex iis, quæ diximus, non difficulter poterunt colligi. Ideoque hic esto

F I N I S.

B 3

CO<sub>2</sub>



# COROLLARIA.

## I.

*An filiusf. potest renunciare Senatusconsulto Macedonia  
no? Neg.*

## II.

*An quisvis donator omnium vel magna partis suorum bo  
norum donationem revocare potest ob supervenientiam  
liberorum juxta l. 8. C. d. rev. donat.? Neg.*

## III.

*Periculum rei vendita emtione perfecta ad emtorem per  
tinet.*

## IV.

*Beneficium l. 2. C. d. resc. vend. an prodest ei, qui ve  
rum pretium non ignoravit? Neg.*

## V.

*An restituta re vendita per beneficium d. l. 2. pignus ab  
emtore in ea re constitutum extinguitur? Neg.*

## VI.

*An beneficium d. l. 2. locum habet in transactione?  
Neg.*

# F I N I S.

TER EEREN

*Des Hoog-geleerden en Regt-wijſen Heer*

JOHAN van OVERMEER,

Sijnde, nae de gewoonlijke wet en reedekaveling, der  
Beyder Regten Meester bevestigt, In de Wijdbe-  
roemde Hooge Schoole van Leyden.

Soo wie oit heeft gestelt ſijn ſinnen op de boecken.  
Of op regskundigheyd, die al des werels hoecken  
Beſtieren moet met regt, voorſigtig nae den eys,  
Sijt gy het, waerden Heer, die nu ook deſe reys  
Getoont hebt, dat in u het regt altijd ſal bloejen,  
Jae daeg'lijks meer en meer in u gemoed ſal groejen:  
Getoont hebt, hoe gy ſijt ontrent een goede vrind;  
Getoont hebt met u hert, hoe dat gy waerd gefind  
De Vaederlijcken Eer met regten te verweeren  
En al het ongelijck van haeren hals te keeren.  
Door dien gy met u tong verdedigden dat geen,  
Het welk men ſchuldig is aen Ouders, in t'gemeen  
Aen maeg en bloedverwand, die als ſy ſchulden maecken  
By vrinden, nae de wet, niet uit haer goed geraecken  
Daer van, ſeer wiſſen Heer, hebt gy ſoo braef getwiſt,  
Dat u hier niemand kon bedriegen met ſijn liſt.  
Waer door gy met veel roems dan prietſter ſijt gekooren  
Der beyder Regten, daer gy lange van te vooren  
Soo loffelijck nae hebt gedorſt, gefnackt, gehaeckt,  
Dat word gy ſeg ick nog, tans heeden eens gemaect.  
Nu hoord men allesins van uwe wijsheyd ſpreecken,  
Door dien gy hebt getoont u wijsheys groote teeken;  
Nu ſiet oock yder een, mijn Heer van Overmeer  
B'ekleen de waere trap jae regte ſtoel van eer.

*voluiſſe ſat eſt,*

G. vander MEER, H.F.



AEN DEN SELVEN

**N**u is de Jeught vol Endt  
In Pallas Groote School:  
En sigh ten Hoove wendt  
Voor 't groote Capitoel.

Tot Reght in Reghte Saak  
Om 't Reght te Defendere:  
O! Pleyt Banck die geen wraak  
Maar Onrecht soekt te weere.

Geluckigh Stam en Soon  
O Vaders Eenigh Spruyt:  
Verwinnaar vande Kroon  
Veel Segen Heyl U Wensch En daar, Me  
Ick 't Besluyt.

A. DOUDE.

de Me

IOE



